



наведи телефон

Лүимә сәрипос

24.07.2025
№ 14 (1344)

www.khanty-yasang.ru

Основана 11 февраля 1989 года

E-mail: gazeta@khanty-yasang.ru



Ты хурит Хальүс районт «Мәнь Ысквет» ұшлахтын нйврамыт ос тәнаныл ханищтан хөтпат пөслым өлэгыт. Агирищит ос пыгрищит мәньщи ос саран латың ханищтан сменат ұшлахтасыт. Ты урыл 8-10 лөпсыт ловиньтән.

Ты номерт ловиньтән:	Акват мәщтырласыт, мөтаньт тәнүт пайтсыт ▶ 2	Мәньхәпыл товуңкве сака пұмыш ▶ 4-5	Нйврамыт рұтаныл нәпакн хансыяныл ▶ 6
Султум ▶ 7-10	Хұл алыщлан мәхум янытлавёсыт ▶ 11	Сапса я хосыт нәтылтасұв ▶ 14-15	Сәв хөтпа юв ат ёхтысыт ▶ 16

Акват мәщтырласыт, мōтанымт тэнут пайтсыт

Хōнтаң район Половинка павылт
ōйттур этпос 12-13 хōталыгт ёмас
тэла вāрыглавес, руш лātңыл «От камки до
камакана» намаим бōлыс. Ты фестивальн сāv
мāныл мāхум ёхталасыт. Тамле муйлын хōталыг
Учинский музейт рупитан хōтпат щёпитасыт.

ōвыл хōталт Учинья я
нāлми вātатэт āлпыл тā-
гыл сāv палаткат тўшту-
вёсыт, пасаныт ўнттүвё-
сыт. Сāvсыр пāvлытныл,
ўсытныл ёхталам мāщтыр
хōтпат муйлын мāхум
щаквщўңке ханищтаса-
ныл. Ты мāщтырлан нак
«Ремесленная мозаика
Югры» намаявес. Муйлын
мāхум тот матыр-āti кā-
тыл вāрсыт, нйврамыт
оманыл-āтяныл ёт сās-
ныл сāvсыр хусапыт, тōр-
лōмтыл мāныщи ос руш
āканит, хўл совныл юн-
туп тўщтын утыт, хорамың
ханты пāссат юнтсыт, эн-
тапыт сагсыт ос сāvсыр
ёнгынутыт вāрсыт. Тамле
вāрмалит муйлын мир
сака пўмщалахтасыт.

Хōнтаң район миркол
кўщай Алексей Валерье-
вич Зяблицев лāвыс:
«Ятил, тының мāхум,
матъёмас, нāн тыхōтал
тыг ёхтысын. Тыт нāн пёс
йис вāрмалитыл пўмща-
лавён, матыр-āti вāруң-
ке ханищтавён. Мōтыт

хōтал нāн атың тэнут
āрталаңке вōвавён».

Мāщтырлан сыс муй
мāхум концерт суссыт,
ты кастыл сāv мāныл
Урай ўсныл ос та ляпат
ōлнэ пāvлытныл эргын,
ййквнэ мāхум ёхталасыт.
Муйлын мāхум каснэ
мāl вāрыглавёсыт, тот
тāн сāлың сун ўлтта пор-
гысыт, ёвтыл нйл тāрата-
сыт, щёпыр алнэ мāгсыл
нйль вāрсыт ос мāньхā-
пыл товсыт. Тох тāн хōтыл
сыс кассыт ос ётыл нōх-
патум хōтпат янытлавё-
сыт. Ос аква хōтал мāщ-
тырлаңке ханищтан
хōтпат янытлан нэпакыл
майвёсыт. Тōнт кон тура-
пыг бōлыс, сака вōтыс,
ётыл ос тākыщ раквал-
тахтас, тыймāгсыл муй-
лын мāхум юв миныглаң-
ке та патсыт. Тох бōвыл
муйлын хōтал та оигпас.

Китыт хōтал бс вōтың
бōлыс, тувыл матъёмас ат
раквыс. Мāхум «Гастроно-
мическая мозаика Югры»
вāрмалын муйлуңке



Т. Сысоева āги ханищтытэ

вōввёсыт. Тэнут вāрнэ
мāхум хўл щёпитаңке,
нёвыль, вās яктуңке ос
сāv мōт тэнут пайтуңкв
та бōвылтахтасыт. Мāныщи
ос ханты мāхум коныпал
тот рушит, хатанит ос мōт
мирыт тāнки тэнутаныл
вāрсыт.

Тāнанылн тэнут кит
щёс сыс пайтуңке эрыс
ос тувыл пасан щёпи-
таңке лāvвёсыт. Ты пора
сыс муйлын мир концерт
суссыт. Тувыл мāхум тэну-
таныл та āстысыт, аква
– вās исмит, мōтан – хўл
исмит пайтыс, хўрмит
хōтпа кўрт атың нйнь
вāрыс.

Муйлын мир пуссын
яныг пасан вāтан тэнут
āрталаңке вōввёсыт,
хотьют маныр кāсащас,
таи тэс. Тэнутыт сака
атыңыг вāрим бōлыт, мā-

хумн молях юв-тāяпавё-
сыт, пасаныт тāра тātлаг
ёмтапасыт. Осты элы-пāлт
кāсың элумхōлас нэпак-
лōмтыл майлавес ос шар
атың тэнут пайтнэ хōтпа
мāгсыл нэпак тāратаңке
лāvвёсыт. Ётыл жюри-
хōтпат ты нэпак-лōмтыт
пуссын ловиньтасаныл
ос тох нōх-патум хōтпат
пёриясыт.

Ты юи-пāлт муй мāхум
яныг пасан вātат пуссын
аквьёт палиңнянь вāрсыт.

Тамле муйлын хōталыт
вāрнэ мāгсыл музей кў-
щай нэ Анна Ерофеева
ос тот рупитан хōтпат
проект хассыт ос округ
яныг кўщайн грант-ол-
ныл тāстувёсыт. Ты хосыт
тамле ялпың хōтал хōн-
таң мāныщит бōлнэ мāt ты
вāрыглавес.

Людмила ТЕТКИНА



Сāvсыр мāныл ёхталам мāщтыр мāхум



Хум мāньхāпыл тови

Салыңколн округ кўщаюв ёхталас

Валентина
Анатольевна
Хозяинова ёт потрумён
ань элалы хансылум,
өвлэ №13 газетат
хансылу.

Мён потыртасмён, ху-
мус тән өлэгыт ос нёрт
салыяныл ёт яласэгыт.

– Валентина Анатольев-
на, наң лавёгын, Яковын
хўл алыщлы. Ос хоты по-
рат тав хўл алыщлаңкве,
няс пāхвтуңкве яланты?

– Туи ыйттур этпост,
хунь кўмхул нясн пўхтуң-
кве паты, тав тонт акв-
писыг яланты. Кос хөт элн
тамле я ылы, тув лāглыл
та ёми. Төва порат сав
хўл пуви. Яныг хўл ос
алыщлāлы, акв порат нё-
лолов тила яныт кўмхул
тотыглас. Рёг ман турап
хөтал, тох та яланты, хўл
āнумн акваг тоты, вāгтэ,
ам хўл тэңкве таңхёгум.
Хўланэ хот ул вос нёвиё-
гыт, кāсың хўл вошрам
пум тйвырн маниггытэ,
ташир хўнтхўрге та āлум-
тытэ.

Ам йильпи хўл тара
хот-нилим, яктылум,
төват мāнь солвалың хў-
лыг солвалтыяну, нумыл
āхвтасыл тынылтыяну.
Солваллавет ос ташир
та тэганув. Төва хўланум
тара вөй ёт саритыяну,
сака атың хўлкве.

– Валентина, наң сав
тāl салыңколт яласэгын,
рўпитэгын, мāнылат āги-
тын маныр лāвуңкве
таңхёгын?

– āгит салың пыгыт
хумыг вос вāрияныл.
Салы янмалтан тēла элалы
вос ылы, мāнылат мāхум
салы ўруңкве вос ханищ-
тахтэгыт. Ань мāн палтув
төва хумыт нэ тотэгыт ос
экваныл нёрн салыңколн
минуңкве ат таңхёгыт,



Ишхыпың мат вим хурийг

Р.Н. Кухарук ёрнколт мāхум халт тэпьялы

пāвылт хулытэгыт. Ёрнкол
рўпата кāсың хөтал вā-
руңкве ат кāсашёгыт. Тыт
мāн нэмхуньт ўшлахтын
хөтал ат ыныщёв, āлпыл
нōх-квāлапёв ос ёл-хуйнэ
мус матыр та вāрёв.
Вāнтлын порат тāрвityң,
акваг ёл-хўтсуңкве эри,
квāлгыт хот-пестуңкве,
пормасыт акван-атуңкве.
Төва порат вит хоса мā-
ныл тотэв.

– Хум хөтпат нāнāн
ёрнкол тўштуңкве нё-
тэгыт?

– Тыи тай, вāим, нётэ-
гыт, пуссын вāгтал патэ-
гыт ос ўшлахтуңкве таң-
хёгыт. Ёрнколув моляхнув
те тўщтылўв, моляхнув
ўшлахтуңкве патэв. Та по-
рат мāн, нэ хөтпат, тэнут
сартын пāйтэв, ос тāсыг
нас исылтан щирыл вос
ыныщёв.

– Нāн палтын тāлы-
тўяг губернатор хум
Руслан Кухарук ос мōт
кўщаит ёхталасыт, ты
урыл потыртэн.

– Мāн мōт мāвн вāнт-
луңкве щёпитахтасўв,
тонт Саранпāвылныл по-
тыртан ут хосыт лāвве-
сўв, кўщаит мāн палтув
ёхтэгыт, ты кастыл титах
хөталн тот вос хулытэв.
Төва мāхманув салыянув
ёт минасыт, ам ос төва

кастыл ам хөтал палыт
тэнут вāрсум, тән тахолыт
номтаныл ёмас ылыс.

Руслан Николаевич
ты элы-пал номсас, мāн
салыянув палт снегохо-
дыл яласэв, мāн тамле
ут нёрт аты ыныщёв. Тав
титынтыг ёхталамёт, мāн
организацияв мāгсыл
вездеход ос сав «Буран»
тотыс. Тышир рўпитаңкве
кўпнитнув паты.

Ятил нэквен ос тав
щёмьятэн мāн пустāгыл



Яков ос Валентина вөртыпал нупыл лёлёг, тән халэнт кўщай нэ
Н. Огородникова, хумыт халт карс хум Р.Н. Кухарук лёлли

хум хөтпат хулытсўв. Мўй
мāхум мāгсыл ам йильпи
нянь вāрсум, нёвлюң нянь
саритасум, салы нёвыль,
салы нёлм исмитыг пāйт-
сум, нялк ыщсўв, сав-
сыр пил пасанын ўнт-
тысум, щāйпутын атың
щāй тэлыгтасум. Тамле
щёлың пасан вāрсум.

Кўщаит Саранпāвылт
хөтал палыт рўпитасыт,
мāн палтув ёхтысыт, ём-
щакв тэпьяласыт. Руслан
Николаевич Кухарук
татем та ыщатахтыглас,
тасāвит хаштāl тэнут тэс,
лāви нёвлюң сārка сака
атың. Хумус мāн ылэв,
яныг кўщаюв такви самыл
сунсыс. Тән ёхтынэныл

ылнэ лāтың тётэв. Салы-
ныл вос савмёгыт ос
савнув мāнылат мāхум
колт рўпитаңкве вос
кāсашёгыт. Валентина
Анатольевна омаге-āтыге
сас салыңколт акваг рў-
питасыг. Тав анёкватэ-ащ-
йкатэ ыс салың хөтпаг
ылсёг. Валентина оматэ
мāныщи нэ, наме Елиза-
вета Николаевна Тальмич
(Тихонова) ылыс. Тав нйв-
раманэ пуссын салың-
колт самын патсыт ос
школат ханищтахтуңкве
патманыл порат пāвылн
вāнтласыт. Ань āгитэ ты
тēла элалы тотытэ.

Галина КОНДИНА

Мāньхāпыл товункве сака пұмыщ

Ты этпос ывыл хоталанэт Ханты-Мансийск
уст мāньхāпыл каснэ вāрмаль ылыс.
Тув сав мир атхатыглас – мāньхāпыл товнэ
хотпат, эргын-ййквнэ ос мүй мāхум. Тованыл
ёт потрамасум, китыглахтасум, хотыл ёхтысыт,
касэгыт ман нас мүйлэгыт.

Тарлин нэг-хумыг
Светлана Александровна
ос **Алексей Семёнович**
мāньхāпыл яласасыг. Тэн
Белоярский район Касум
пāвылныл ёхталасыг.

Алексей Семёнович
Тарлин тох потыртас:

– Мāн 13 хотпа ёхты-
сүв, Белоярский районув
мāгыс касэв. Мāньхāпыл
мāньтāгыл яласэгум. Мāн
хāпанув мощ мот хури-
пат. Эквaм наме Светла-
на, мēн ётумен тыт ань
āгимēн ос пыгумēн касэг.
Тувыл ам Женя āпщим
ос ёхтыс, тынакт тав ам
пентсылум касы, ам ань
лāглум āгмың. Мāн кāсың
туи касуңкве ёхталэв,
тыт пұмыщ, соссa мāхма-
нуv кāсалэв, потрамēв,
таимāгыс тыг ёмас ном-
тыл юув. Тэлы ос тыт сā-
лыңсуныл касэв.

– *Наң хот самын пат-
сын?*

– Ам Касум пāвылт
1970 тāлт самын патсум,
омагум-āтягум ханты
хотпаг, юн акваг ханты
лātңыл потыртасыг, рущ

лāтың ат вāсыг. Эквaм
ос ханты нэ, Пим пāвыл-
ныл ылы. Ётыл колтāгла-
ныл Нумто пāвылн олмыг-
тас. Света Эквaм Касум
школат ханищтахтас, тот
аквaн-хонтхатсумēн, нила
нйврам янмалтасмēн.

Светлана Александров-
на мовиньтым лāвыс,
ывыл хотал тэн Казах-
стан мāныл олум āги ёт
мāньхāпыл товсыг. Та āги
товуңкве ат хāсы, хāпēн
витыл āмаравес, финиш
мус ёхтуңкве ат вёрмы-
сыг, пāгле спасатель хā-
пыл тотвесыг.

Мāньщи нэ **Анастасия**
Георгиевна Федий ты
касылн пыге ёт ёхтыс, нэ
лāвыс:

– Ам ань мāньхāпыл
татем молях товсум, ос
ювле ёңхыгпан мāt хā-
пум мот хāп ёт аквап-
пелхатасыг, тот маттем
та капыртасмēн. Тыт ань
Алексей пыгум мāнь-
хāпыл яласы, мēн Ханты-
Мансийский район мāгыс
касымēн, командавт 12
хотпа. Мāньхāпыл яла-



В. Сигильетов венгр хумыг халт лйли



А.Г. Федий мāньхāпыл тови

саңкве āнумн сака пұ-
мыщ. Ам Саранпāвылт
яныгмасум, тұпыл товуң-
кве мāньтāгыл хāсэгум,
2009 тāl пāсныл касэгум.
Омам Валентина Спири-
доновна Вьюткина сав
тāl Хāльүс район мāгыс
касыс, 2003 тāl пāсныл
каснэ мāн ялانتас, ань
пенсият ылы. Тамле тэла
эри вāруңкве, мāньлат
нйврамыт вос вāганыл,
элнаң соссa мāхманув
мāньхāпыл хумус товсыт,
манхурип тākсар хотпаг
олсыт. Тохтāн пēs наканув
вāңкве патыяныл, элаль
тотыяныл.

Ханты пыг **Виталий**
Сигильетов кит мүй хот-
паг ёт Венгрияныл ёхта-
лас, хум лāвыс:

– Тынакт округын Вен-
грияныл ам кит хумыг ёт
ёхтысум – Шалинья Фе-
ренц ос Куштра Норберт.
Мāн мāvн тэн ывыл щēs

ёхтысыг, соссa мāхманув
кāсалаңкве таңхēг, хумус
олэгыт, щāнь лātңув ман-
хурипа.

Тыхотал тыт мүйлэв,
тувыл Сургутский ос
Нижевартковский райо-
нын ялэв, тот олнэ сос-
са мāхум ёт хонтхатыг-
лэв. Тамле касыл тэн
ань ывыл щēs кāсаласыг,
лāвēг, ханты ос мāньщи
мāхманув мāньхāпыл та-
тем молях товēгыт, тāн
нупланыл щāгтым сунсэг.

Ференц ос Норберт
хумыг таи лāвсыг, тэн
Югра мāt олнэ соссa мир
ёт потрамаңкве сака таң-
хēг, лātңув хұнтамлаң-
кве. Мāнав тāнти палта-
ныл Венгриян вōвиянэн,
тув мүйлуңкве вос ялэв,
кāсың хотпан щāгтэгыт.
Виталий лāвыс, хумыг
венгр щирыл тох лāвсыг:
«Венгрия вас ждёт с
открытым сердцем».



Светлана ос Алексей Тарлиныг Касум хотпат халт лйлөг



Т. Бахтиярова ос Ася аҕитэ



И. Мултанов ос В. Русскин



А.П. Тасьманов ос О.А. Хатанев

Мир халт мӕнщи су-
пын нэ кӕсаласум – **Татья-
на Прокопьевна Бахтия-
рова**, тав тох потыртас:

– Паща олэн! Мӕн
Сургутский районныл 12
хотпа ӕхтысӕв. Ам тыхо-
тал ос мӕнхӕпыл касэ-
гум, мӕн, ӕкват, вӕрыста
туп яласӕв. Ойкам ханты
хум Виталий Русскин
ос касыс, масс-стартит
китыт места вис. Тувыл
ос мот хон мӕныл ӕхтум
хотпат ӕт яласамув по-
рат тэн аквѣт товум хум
ӕт сартын ӕхтыгпасыг.
Серѣжа ӕпшитэ кит тӕл
мӕннуве, ань мощ ӕрыг
ӕмтыс, аквѣтм яласӕг. Таитэ
масс-стартит нӕх-патыс,
ойкам ос китыт места вис.

– Ойкам мӕн лӕтӕувтыл
татем ӕмашакв потырти,
сома мӕнщи хотпа.

– Мӕн ам яныгмам
мӕмн акваг ялантӕв –
Ивдель нупыл. Тот мӕхма-
нув, щӕнӕм ос рутанум,
пуссын мӕнщи лӕтӕыл
потыртӕгыт, тав мощ
ханьшувлас. Тувыл амки
таве ос намыл китыглы-
лум, матыр лӕгалӕгум
мӕнщи лӕтӕыл. Тав пуңке
тамле, лӕтӕит матыр
лӕгалӕв, молях номиянэ,

таимӕгыс ань мӕнщи
лӕтӕыл мощ потырти.

Матӕмас тамле яныг
ялпын хоталыт вӕрыгла-
вет. Акваг юнте олӕгын, ат
вӕглын маныр вӕрунӕве,
хунь тамле ялпын хотал
ӕмты, пумыщ яласаңӕве.
Тувыл ялпын хоталн та
щӕпитахтӕв, ос матыр
ӕмас места выгын, тонт
номтын ӕмас.

Ханты хум **Александр
Павлович Тасьманов**
Белоярский район Касум
пӕвылныл ӕхталас, тав
лӕвыс:

– Тамле ялпын хотал
мӕн округут хосат тӕгыл

вӕраве. Мӕлхотал татем
раквыс, ос мӕн тох та
мӕнхӕпыл товсӕв, ань ос
татем хоталын хоталакве.
Мӕн командав Белояр-
ский район мӕгыс касы,
12 хотпа ӕхтысӕв. Тамле
касылын ам хурмит тӕл
ты ӕхталӕгум, 56 тӕл яныт
хум хотпат халт касӕгум.

Лүймӕ касылыт тармыл
пуңкотнэ мӕнщи хум
Олег Андреевич Хатанев
тох потыртас:

– Ты, вӕим, сака ӕмас
касыл, тав сосса мӕхма-
нун ос муй хотпатын сака
ӕруптаве, ӕраве. Каснэ
хотпат 35 мӕныл ӕхтысыт,

тӕват мот хон мӕхум,
пуссын аквѣт 270 хотпа.
Касылув ты мӕт ӕвыл
щӕс вӕрилув, татем ӕмас
мӕкве, Ханты-Мансийск
ӕс ляпат ӕлы. Матыр-
ӕти щӕпитаңӕве пуссын
ӕлымасӕв, мӕнхӕпыл
мӕхманув ӕмас номтыл
касӕгыт.

Мӕлхотал сака раквыс,
ос каснэ хотпанув тох та
товсыт, нӕмхотьютаныл
ат рохтыс, ат та лӕвыс,
тӕрвитын манос раквын
тӕра-посвӕсыт. Мӕнмирув
тӕксар ӕлумхӕласаквет,
кос ракви ман туй, тӕн
мӕгсыланыл кӕсын хотал
ӕмас.

Хӕлӕс районныл ӕх-
талам команда тармыл
**Ольга Дмитриевна Во-
ронцова** тав пуңкотыс.
Ханты нэ лӕвыс, тӕн пус-
сын Тӕк пӕвылныл олӕ-
гыт. Тыт тӕн ӕмас номтыл
касӕгыт, мот мӕныл ӕхтум
мӕхум ӕт вӕйхатасыт.
Лӕви, матӕмас сӕв нӕв-
рам мӕнхӕпыл яласӕгит,
хаништахтӕгыт, тащиңк
ты тӕлав иң сӕв тӕл ӕлуң-
кве паты.



М. Тарлин, О. Хандыбина, Ю. Отшамова ос О. Воронцова

Светлана
РОМБАНДЕЕВА

Няврамыт рутаныл нэпакн хансыяныл

Мобал Октябрьский район Уньюган павылт нэпакыт ловиньтан вэрмалы урыл потыр блыс. Тонт тот нэпак хаснэ хөтпат, няврам ханищтан махум, учёныт, библиотекат ос музейт рупитан хөтпат акван-атхатыгласыт. Ты тэлан Югорск үс Г.Ф. Атякшев намыл маим лицей-колт няврамыт пёс йис вэрмалитн ханищтан хум Павел Васильевич Павленко бс тув ёхталас. Тав няврамыт хумус ханищтыянэ, ты урыл потыртас.

Павел Васильевич лавме щирыл, ханищтахтын тал бвылтахтын порат агит-пыгыт щань-ащ щирыл рутаныл урыл потырт хансэгыт. Ётылнув краеведение хосыт яныгмам матёныл урыл потыр щёпитэгыт. Тувыл элалы ос хөнтлын вэрмалы урыл потырт атэгыт. Тан школат вэрыглалнэ конференциятт хөнтлын нак урыл нэпакыт ловиньтэгыт. Тал оигпан порат ос «Космический горизонт» намп кина пёслын фестиваль щёпитэлэгыт.

Хум Югорск үст кина пёслын студия бныщи, тот няврамыт ёт савсыр вати кинат пёслэгыт. Молты тал «Расскажи миру о своей родине» намп касыл вэрыгласыт. Павел Васильевич «От учителя к учёному» намп ханищтап тэлан вовиньтэлвес, тот рупататэ магыс сака янытлавес.

Тыи ос мот рупатанэ магыс хум «Педагог новатор» округ кущай премиял майлуves.

Павел Васильевич Павленко лавыс:

– Ты тэла щирыл няврамыт ханищтаңкве ам лов тал ювле хультум порат бвылтахтасум. Тонт махум анумен лавыгласыт, ты ханищтан тэла нэматыгыт ат хойхаты, туп садикын ялантан няврамытн рөви. Та сыс, ам ты вэрмалюм элалы аквтох татотыслум. Ётылнув 2016 талт пёс йис тэла ханищтан учителит палт яныг сәпранин вбвиньтэлвёсум. Тувыл округув савсыр ханищтап семинарытн вбвиньтаңкве патвёсум. Москва үсн доклад-нэпак ловиньтаңкве бс ялсум. Ләщал-ләщал ты ханищтапум урыл сав матучителит вәңкве патсыт, ты рупатам магыс сав щёс янытлавёсум.



П.В. Павленко потырты

Павел Васильевич ханищтахтын няврамыт бпаныл, щажёкваныл урыл потырт акваг китыглыянэ. Ты тал Россия янытыл конкурс щёпитэлвес. Няврамыт танки яныг бпаныл урыл татем ёмас потырт хассыт. Төва потраныл Москва үст янытлавёсыт.

Тонт Югорск үст ханищтахтын акв пыг Данил Грачёв яныг бпатэ урыл тамле потыр хансыс: Тав яныг бпатэ яныг хөнт порат хөнтлуңкве юртэ ёт вуйвёсыг. Тэн аквёт товлыңхәпыл яласым хөнтлысыг. Аквматнакт товлыңхәпён нялын хойвес, ёл-патыс. Хумыг немцытн сас пуввёсыг, кёрквәлыг пүсасыл вәрим мат турманколн товартавёсыг. Ётылнув акв хумитэ та маңыл оюңкве

вёрмхатас, пыг яныг бпатэ ос тот хультыс. Хунь маң салтатанув ёхтысыт, тонтущта лыпаш паттуves.

Ты тэла щирыл Москва үсн пуссын аквёт нила сөтыра арыгтем потыр кётыглавес. Рупатат уральтан хөтпат ты пыг потре сымын хөяс, ты магыс тав янытлавес.

Ань ты тал Югорск үст краеведение ос пёс йис вэрмалит урыл потырт хаснэ клуб-кол пүсвес. Тув сав агит-пыгыт ялантэгыт. Няврамыт тот үст блнэ предприятия урыл потырт хансэгыт. Павел Васильевич лавыс: «Мәнки үсув урыл потырт ань хансуңкве эри. Тыгыл элалы яныгман нявраманув ты тэлат урыл бс вос вәгыт».

Николай МЕРОВ



Султум

Искорка

Пыгрищит Хальўсн касункве ёхталасыт

Мблал няврамыт Нижний Тагил ўсныл Хальўсн кәминьт пәссал алхатуңкве ёхталасыт. Тот блнэ каснэ кол Руслан Проводников намыл маим блы.

Та колт няврамыт ханищтым Никита Жданов рүпиты. Тав няврамыт ёт Екатеринбург, Североуральск, Тюмень ўсытын ос Ханты-Мансийский округын кәминьт пәссал касункве вәтихал ёхталы. Мән тав ётэ ты касыл урыл мощ потрамасуь.

Никита Жданов тох ләвыс:

– Нёлолов тәл ювле хультум порат, хунь амки боксын ханищтахтасум, ос Хальўсн касункве ёхталасум. Щар блэт хұрумхуйплов тәлум порат кикбоксинг каснэ вәрмалынханищтахтункве ёхтисум. Ётылнув кәминьт пәссал алхатнэ вәрмалы щирыл касункве патсум. Тувыл армияныл юв ёхтисум ос амки тренерыг

рүпитаңкве бвылтахтасум. Ань атыт тәл няврамыт ты тәлан ханищтыянуь. Каснэ вәрмалыт сәвсыр щирыл блыглы, тәванакт няврамыт нōх-патэгыт, тәва порат ос ат вёрмёгыт.

Ты тәл Никита Жданов нила няврам кәминьт пәссал касункве тотыглас. Яныгнув пыг нилахуйплов тәлэ блыс. Тав бвыл хәтал касыс, ос нōх-патуңкве ат вёрмыс. Щар мән пыг ос нёлолов тәлэ тәвлыс. Тав нила тәлэ тәвлум порат кәминьт пәссал алхатуңкве ёхтыс. Юи бвыл хәтал пыгрищакве тав янытэтэ пыгрищ ёт касыс, нōх-патыс кос, ос тән халэнт аквтёмыг вос блсыг, пыгыг аквторыг кәтагён нōх-әлмувесыг, аквёт янытлавесыг.



Боксёры приезжали на турнир в Берёзово

В Нижнем Тагиле находится школа бокса, которая носит имя известного боксера Руслана Проводникова. В школе бокса детским тренером работает Никита Жданов.

Тренерской деятельностью он занимается под руководством Эльвина Алиева. Юные спортсмены боксёрского клуба неоднократно выступали на соревнованиях в Екатеринбурге, Североуральске, Тюмени и в нашем округе, также регулярно принимают участие в турнирах у себя дома.

Никита Жданов рассказал:

– Я восемь лет назад, когда ещё сам занимался боксом, приезжал на турниры в Берёзово. Вообще изначально моё направление было кикбоксинг, этим видом спорта стал заниматься с 13 лет. Позже я перешёл на секцию бокса. А после армии стал заниматься тренерской работой. Сейчас почти пять лет

тренирую детей школьного возраста с 6 до 17 лет. На соревнованиях бывает по-разному, и победы, и поражения. В большей степени зависит от настроения спортсменов, как психологически настроятся, такой результат и будет на турнире.

В этом году на турнир по боксу в Берёзово Никита Жданов привозил четырёх воспитанников. Старшему спортсмену было 14 лет, на соревнованиях в ходе решения судий он потерпел поражение. А вот младший боксёр, ему восемь лет, в поединке одержал победу. Но так как это маленькие дети, им засчитали ничью. На награждении обоим спортсменам вручили благодарственные письма.



Нōх-патум няврамыг янытлавёг

Страницу подготовил **Н. МЕРОВ**



Султум



Искорка



Мāньщи лāтңыл сакати нāнь вōвуңке хāсэгыт

Кāсың тув «Мāнь Ёсквен» няврамыт ёхтыгпё-гыт ос ўсаныл суиңыг та ёмты. Ты ўщлахтын мā Хāльўс район Ясунт пāвылт блы. Ты тув сьс нила смена вāраве. Ёвлёт кāтыл мāщтырлан мāгсыл няврамыт тув атыглавёсыт, та пораныл «Мастеровая» смена лāвсаныл. Титыт – ты щāнь лāтың ханищтан пора блыс, тот ёйттур ётпос 1-7 хōталыт сьс мāньщи ос саран лāтңыл няврамыт потыртаңке ханищтавёсыт.



С. Сетов ос пāтлуптым ёнгасан пыгрищит

Та юи-пāлт тит-хўрум хōтал пормасаныл атсыт ос нёрытын та минасыт. Ос нилыт щёс «Время поющих стрел» сменан атхатёгыт, тот пёс йис щирыл ёнгуңке патёгыт. Пуссын ты тэлат Любовь Павловна Стаканова тав элалы тотыянэ.

Ань нāнан щāнь лāт-ңыт ханищтан урыл потыртэв. Кāсың туи порат Любовь Павловна няврамыт мāньщи лāтың ханищтан урыл потыртыянэ, тāн ты вāрмалын сымы-ңыщ вос вуйхатёгыт. Ты сменат няврамыт мāньщи лāтңыл Галина Кондина ханищтасанэ, тавён Москва ўст ханищтахтын рущ āги Мария Сатина нётыс. Ты тув щар бвыл щёс няврамыт саран лāт-

ңыл ханищтаңке патве-сыт. Ольга Ванюта такви лāтҗе вāгтэ, саран лāтңыл ёмщакв потырты, тав няврамыт ханищтасанэ.

«Мāнь Ёсквет» кāсың хōтал расписание-нёпак хансаве, тот хотыют хоты порат ханищтахтунке мины манос пōслуңке ос мāщтырлаңке – пус-сын хўлтым блы. Пуссын аквьёт сāтловтем сāвит сāвсыряныт няврам блыс.

Щāнь лāтңыт ханищ-тан коныпал āгирищит ос пыгрищит пōслысыт. Ты тэлан тāн Нина Хатанзееван ханищтавё-сыт. Нина Дмитриевна сāв тāl Саранпавылт искусство школат рўпиты, няврамыт тав палтэ пōс-луңке сымыңыщ ялан-тэгыт. «Мāнь Ёсквет»



Нёт ос āгит ёрнколт ўнлахōлэгыт

тав тāнанылн задание лāви, хўлтыянэ, тащир та рўпитэгыт, сака нётнэ, ёмас хурит пōслысыт, нёрыт, мā-вит, ёрнколты сака ёмщакв тэлэгыт.

Евгения Вьюткина āги-рищит ёт сāsныл мāнь шумпылыт ёнтсытос хан-сал щуртсаныл. Евгения Валерьевна хўрум āги-рищ выг, ос тāнанылн хўлтыгы, хоты сās хумус ёнтуңке эри. Тувыл ха-риң сās витыл сартум-тыяныл ос хансал щур-тыяныл, тох ты рўпитасыт. Ты āгит рўпатаныл āсты, мōт āгирищит такви палтэ вōвиянэ.

Няврамыт мир элы-пāлт хōт-āti потыртаң-ке ул вос ёссамтасыт, ёрнэ лāтың вос хōнтсыт, тамле вāрмалын тāн Юлия Артееван ханищтавёсыт. Ань йист потыртаңке хāснэ хōтпа хоталь таңхи, тув щалтапаңке вёрми. Нёмсаг олнэ элумхōлас тай пōхыт та хульты. Мāн мāньщи нявраманув бс ул вос ёссамтасыт, таи-мāгсыл ты тэла сака эри вāңке.

Сергей Сетов пыгри-щит «лазертаг» ёнгилыл ёнгалтасанэ. Ты ёнгын писалил вōрт хайтыгтэ-гыт ос халанылт хōнтлэ-гыт. Сергей Сергеевич ёвлёт тāнанылн хумус ён-гуңке эри – потыртыянэ. Мори алхатуңке щар ат тартыянэ, таимāгсыл халанылт ёмщакв ёнгё-гыт ос ат халмалтахтэгыт.

Та смена бвылтахтам порат кўщай нэ Любовь Павловна пуссын нявра-мытын тэнэколт мāньщи лāтңыл потыртаңке лāв-санэ. Ты кастыл пасаны-тын лāвнэ лāтңың нёпак-лōмтыт хассў, тув сунсым, номылматыяныл, хумус нāнь, щāй, исмит ос мōт тэнэколт рущ лāтңыл потыртаңке ат рōвыс, яныг мāхум халанылт бс мāньщи манос саран лāтңыл потыртасыт. Тох āгирищит ос пыгрищит сакати тэнэколт урыл лāтңыт вāңке ос номуңке па-тыяныл.

Галина
КОНДИНА



Султум

Дети учатся общаться на родном языке

Каждое лето «Мань Ускве» наполняется детскими голосами и смехом. Это известное детское стойбище находится в Берёзовском районе в деревне Ясунт.

В этом году запланировано четыре смены – первая «Мастеровая» прошла в июне, в её рамках мастера со всего района обучали юных жителей стойбища технологии изготовления традиционных изделий из бересты. Они с большим интересом отнеслись к урокам и сами попробовали освоить это древнее ремесло. Вторая смена называлась «Языковая», она проходила с 1 по 7 июля, в это время дети изучали мансийский и коми-зырянский языки.

После завершения «Языковой» смены, в течение двух-трёх дней проходила подготовка к третьей смене – «Горной». Ребята собираются подняться в горы Приполярного Урала, их путешествие продлится около недели. Затем после небольшого перерыва в «Мань Ускве» состоится смена «Время поющих стрел».

А мы сейчас немного расскажем, как прошла «Языковая» смена. В начале смены руководитель этностойбища Любовь Павловна Стаконова объяснила ребятам, что для успешного обучения нужно пытаться говорить на родном языке, а взрослым активно им

в этом помогать. Все договорились в столовой говорить только на мансийском и коми-зырянском языках. А для того, чтобы слова быстрее запомнились, преподаватели сделали памятки с фразами на родных языках. С такими подсказками можно было на мансийском языке попросить ложку, хлеб, суп, кашу и другие предметы, находящиеся на столе. В первые дни за столом мало кто разговаривал, а в конце смены дети запомнили фразы и без труда могли друг у друга попросить всё, что им было нужно.

В стойбище отдых расписан по часам, ребята были разделены на группы, у каждой был свой вожатый. Мансийский язык они изучали с журналистом газеты «Луима сэрипос» Галиной Кондиной, ей помогала сту-



Дети рисуют

дентка МГУ Мария Сатина.

Впервые в этом году на смене преподавали коми-зырянский язык. Ольга Ванюта несколько лет работает на стойбище, она прекрасно владеет коми-зырянским языком и с радостью согласилась обучать детей разговорной речи.

Вместе с преподавателем Саранпаульской школы искусств Ниной Хатанзеевой дети осваивали художественное ремесло. Нина Дмитриевна много лет работает педагогом, ребята с удовольствием рисовали на бумаге красивые горы Приполярного Урала, чумы и природу югорского края.

Сотрудница окружного Центра ремёсел Евгения Вьюткина с мастерицами учили девочек шить ор-

наментантированные игольницы и сумочки из сукна «тучан». Евгения Валерьевна также обучала юных мастериц шить из бересты мансийские ковшики «щумпыл». По окончании пошива, они методом выскабливания наносили орнаменты. Для этого смачивали тёмную бересту водой и кончиком ножа скоблили верхний слой.

А чтобы дети могли без стеснения выступать на большую аудиторию, в рамках Школы лидерства заведующая детским садом «Оленёнок» Юлия Артеева провела курс под названием «Практика публичных выступлений». Посещая курсы, ребята увеличили свой словарный запас, стали чувствовать себя уверенно на публике, научились делать упражнения для правильного дыхания и многое другое.

Преподаватель центра «Поиск» Сергей Сетов проводил игру «лазертаг». Участники игры учились работать в команде. На смене каждый ребёнок нашёл занятие по душе и с пользой провёл эту неделю.



Игра «12 палочек»

Галина КОНДИНА



Султум

Искорка



Няврамыт ёрнколт ўнлаҳәләгыт, Кирилл Филиппов сәңквылты



Н. Меров ос Д. Кондин пыгришит ханищтәг

Сәңквылтап суй «Мәнь Ысквет» суйты

Пёс йис тагыл сәңквылтапыл туп хум хәтпат сәңквылтасыт. Ань няврамыт ўшлахтын мāt «Мәнь Ысквет» пыгришит яныгнув пыгытын сәңквылтаңкве ханищтавет. Ләтың ханищтан «Языковая» сменат ты рүпата вәрим тит пыгыг Николай Меров ос Данил Кондин рүпитасыг.

Тән өвләт пыгришитын потырта-сыг, хоты тән хумус ләваве, хумус ёнгаве, сәңквылтап ос нарсьох мансәвит тән өныщәг ос мот сәв эрнә вәрмалы тән няврамытын хултсыг.

Пуссын тәныт тән мәньщи ләт-ңыл ләвсанән - аква, титыг, хұрум нила, ат. Хоты тән тулөвлыл хасум-таңкве эри, та ләтың ләвәг, тох няврамыт мәньщи щирыл ловинь-таңкве ханыщувласыт ос сәңквылтаңкве патсыт.

Та хәталыт сыс няврамыт «Кукук» ос «Сөвыр сөюм» тәныг ёнгуңкве ханыщувласыт. Яныгнув пыгыт тай ёмщакв торгамтасаныл ос төват тәтем сәңквылтасыт. Тох ты сакати акв-тит тән сәңквылтаң-

кве ханищтәгыт ос эрың хотыют өс элалы ханищтахтуңкве номылматы.

Николай Меров ань Саран-пәвилт клуб-колт эргын-йквнә мāt рүпиты. Пыг мәнь порат пәвланылт школа искусств колн ханищтахтуңкве ялантас, тав Дмитрий Георгиевич Агеевын ханищтавес ос эргим-йквим хәт-әти тотыглавес. Николай сәңквылтаңкве хасы, мәньщи хум йквыт йкви.

Данил Кондин Ханты-Мансийск ўст ЮГУт ханищтахты. Тав мәнь порат «Лылың сөюм» колн ялантас, тот Владимир Меровын ос Алексей Решиковын сәңквылтаңкве ханищтавес. Ань «Мәнь Ысквет» ты ханищтам тәнанә пуссын няврамытын суссылтасанә.



Сәснәл няврамыт палт ёхтыс

Николай ос Данил ты тәла сака сымыңыщ вәрыстән, пыгришит щәгтым тән палтән атапахтәгыт ос та ханищтахтәгыт. Тох ты сәңквылтап суй элалы суйтуңкве паты.

«Мәнь Ысквет» кәсың этипәлаг матыр пұмыш вәрмалы вәрыглаве, акв порат пыгыт тұлыглапыт суссылтасыт. Тот кәсың тұлыглап юипәлт сәңквылтапыл сәңквылтаве, акв пыгрищакве сәңквылтапыл майвес, тав тәтем ёмщакв ёнгыс.

Тұлыглапыт халт нә хәтпат ос аҗиришит йквуңкве лүльсасыт, тән пуссын мәньщи супыл масхатым ос төрыл пинхатым өлсыт. Мәнь аҗиришит яныг аҗит нупыл сунсым тәтем ты өс йквашласыт. Аҗиришит йквуңкве тот Евгения Вьюткинан ос Карина Ларионован ханищтавёсыт.

Галина КОНДИНА



Л.П. Стаканова аҗирищкет ёт

Хул алышлан махум янытлавёсыт

Касын тув ыйттур этпос китыт ушлахтын хоталэт Россия янытыл хул алышлан махум янытлавет, ты ялпын хотал руш щирыл лававе «День рыбака». Мән округувт пёс тагыл хул алышлан махум сав олы, таимагыс касын усыт ос павлыт ты хотал сака ураве, эруптаве, хул пувнэ мат рупитан хотпат янытлавет.

Хальуст олнэ мир тынакт «День рыбака» хоталт ос муйлысыт. Овлэт янге-мәне няслысыт, ань хотьютаныл мак яныг хул пуви манос щар мань хул пуви. Нэ хотпат пасан варсыт, хул пайтсыт. Тувыл махум катамараныл товсыт, халанылт кассыт. Катамаран – ты хәп хурип вит тармыл яласан ут.

Хальус район янытыл пуңктотнэ хум **Руслан Владимирович Александров** тох лавыс:

– Мән, Хальус районт олнэ мир, хул алышлан тэла сака янытлылүв. Мән мавт нялк олы, ты атың хулкве хон хулыг лававе. Таимагыс районув пёс тагыл намың-суиң маг олы. Элнан ты мат олум мир хул алышланкве сака хассыт, ань хулу-пьян махум мощшамас, ос сакати тән ты тэла элалэ тотыяныл. Районувт «Рахтынъя» намба хул алышлан предприятие олы, тав округув коньпал Россияв янытыл ваве. Тот

Кимкьясуй, Лопмус ос Сортыңья махум рупитэ-гыт. Тән пувум хуланыл ос хулныл варум тэнутаныл сака эруптавет, ётавет. Хул алышлан махум ос муй хотпат ам ялпын хоталыл янытлыяну! Ёмас номтыл ёмыгтэн, муйлэн, Хальус район мирув пуссын пустагыл вос олэгыт!

Катамараныл китхуй-плов командат кассыт. Нэ хотпат халт овыл места Центр национальной культуры кол магыс касум сосса нэт нөх-патсыт. Ты катамаран намба хәпыт маньши нэ **Анна Мартыновна Качанова** товыс, тав лавыс:

– Матьёмас тамле ялпын хотал варвес, ам тыт тасавит ванэ хотпанум кәсаласанум, щәгтым потрамёв. Ам Хальуст «Альянс» колт рупитэгум, тыг ос культура мат рупитан хотпатн вөввёсум, товункве хәсэгум те, вос касэгум. Ам тәра кәсәщасум, тупыл товункве



Нөх-патум махум Хальус район кущаин янытлавет

атхунь хәсэгум. Мань ань нила нэ сартын ёхтыг-пасүв.

Кит маньши хумыг Игорь Владимирович Таратов ос Дмитрий Анатольевич Белов хум хотпат халт китыт места висыг. **Игорь Владимирович Таратов** тох по-тыртас:

– Мән нила хум товсүв – Дмитрий Белов, Владимир Хантанзеев, Валентин Малей ос ам, пуссын Авиалесоохрана намба най харыгтан мат рупитэв. Мощ мөлалнум рупата колуvt кущаювн китыглавесүв, ань хул алышлан хотпат ялпын хоталт касуңкве номтув паты те, хәп хурип катамаран-хәпыл вот товёв. Мән нила хум кәсәщасүв, ань тыхотал Тәгт ят хә-

пыл ты яласасүв. Ам тупыл товункве маньтагыл хәсэгум, Лопмус павылт туи акваг маньхәпыл яласэв, таимагыс ати тарви-тың. Мән хунь уш нёвум-тасүв, акв хумиюв тупе витн рагатас, тувыл хурум тупыл хотмус та товсүв. Хонхан ваве, акв хумиюв тупе хот ат те рагатап-тыстэ, эрың овыл места винувлүв.

Тувыл нөх-патум махум пуссын янытлан нэпакы-тыл майвёсыт, муй мир исмитыл ос исум щәил айтвёсыт. Артист хотпат эргысыт, ййквсыт. Хул алышлан махум ялпын хоталт Тәгт я вәтат тасә-вит мовиньт, эрыг суй-тыс, павыл мир маттем та муйлысыт.

**Светлана
РОМБАНДЕЕВА**



Ёмас номтанэ нэпакн хансыянэ

Алла Фёдоровна Копьева Хөнтаң район Половинка павылт ҫлы. Пёс порат ты павыл Учинья павлыг лавыглавес. Оматэ Августа Петровна Сафронова Тюменский область Заводоуковский районт самын патыс. Атятэ Фёдор Иванович Исыпов маныщи хөтпа ҫлыс, Хөнтаң район Сатыга павылт яныгмас. Щёмыят Алла щар яныг ағииг ҫлыс, маны тағыл оматэн, атятэн нётункве ханыщувлас.

Школат ханыштахтамэ порат оматэ холът стихыт хансуңкве патыс. Тав аны тыг мус оматэ хансум нэпаканэ акв мат ҫныциянэ ос төва порат ловиньтыянэ.

Алла такви ҫвыл стихе юрт пыге урыл 16 тал яныт порат хансыстэ ос «Мне с тобой и без причины весело» намаястэ. Ётыл ты манылат пыг ёт акван-минасбг ос Алексей пыгён самын патыс.

Стиханэ сав нэпакын вэрвёсыт

Алла Фёдоровна хансум стиханэ аны «Шаимские находки» (2001), «Зеркало Кондинских вод» (2002), «Урайские горизонты» (2003), в альманахе «Конда» (2004), «Эхо Кондинских Урманов» (2005), «Благословенные мгновенья» (2008), «Оттиск», «Моя судьба – Кондинский край» ос сав мот нэпакыт ловиньтанкве рөви. Тав стиханэ «Литературное наследие обских угров» намба яныг нэпакыт вэрвёсыт. Тот маныщи, ханты ос ёрн мэхум потраныл, мөйтаныл

стиханыл акван-атым ҫлэгыт.

2015 талт стиханэ ос ҫлупсатэ урыл «Новости Югры» намба газетат рүпитан эква Альбина Глухих яныг потыр хансыс. Альбина Сергеевна потре «Кто-то нашёптывает... стихи» намаястэ. Тонт тав хансыс, Алла Фёдоровна «Может это быть» стихе английский латңыл толмашлавес ос Норвегия мот хон мат Тромс үст нэ хөтпат мирхал Конгрессаныл ҫлум порат ловиньтавес.

2000 талт Алла Фёдоровна «Богиня деревни Евра» маныщи латңыл руш латңын толмашлан потыр ёмашакв хансыстэ. Ты потыр венгерский учёный нэ Ева Шмидт эрнэ щирыл хансуңкве тавён лавыстэ. Алла Фёдоровна Ева Шмидт хөнтхатыглан поратэ ёмашакв номитэ ос учёный нэ хансыглам пищманэ ты мус үргалым ҫныциянэ.



А.Ф. Копьева Силава павылт стиханэ ловиньты

Яныг хөнт пора урыл ҫс хансы

Алла Фёдоровна яныг хөнт пора урыл сав стихыт хансыс. 2016 талт «Дыхание Вечности» намба нэпак таратавес, тот тав оматэ, атятэ ос хөнтлам мэхум урыл «Обелиски над Кондой», «Что тебе снится, Земля?» ос сав мот стиханэ вэрвёсыт. Ты нэпак Половинка павылт А.Н. Хомяков намыл на-маим Учинский этнографический музейт мэхумн ловиньтавес. Тот тав ащөйкатэ Петр Афанасьевич Сафонов урыл «В невидимом строю» намба стихе хансым ҫлы. Тав 1942 талт Ленинград үс пөхат порславес.

Ос ты элы-палт 2005 талт Победа хөтал 60 талэ төвлын кастыл тав «Эхо Кондинских Урманов» намба нэпаке таратавес.

Рүтанэ, нывраманэ ос юрт мэхманэ Алла Фёдоровна урыл лавёгыт, тав мир нупыл ёмас номтыл сунсы, ҫлнэ матэ сака янытлытэ. Тав сака кәркам, нёмса, сымың нэ хөтпа, хансум стиханэ мэхум ловиньтанкве эруптэгыт ос школат ныврамытн ханыщавет.

Тав 17 арыгкем тал «Возрождение» намба организациян мот хөтпанэ ёт яланты. Тот стихыт, потрыт, мөйтыт хаснэ нэт, хумыт акван-юрщхатасыт.

Пенсиян патхатаме мус сав тал почтальоныг рүпитас. 2022 талт Хөнтаң район 100 талэ төвлын кастыл сав тал рүпитаме мағсыл мағлын тагатан пөсыл майвес. Ты коныпал миркол палныл сав янытлан нэпакыт ҫныщи.



Маныщи мир хөнтхатыгламаныл порат



Юрт нэ́тэ ё́т вёрт ё́мыгтэ́

Ляпа рӯт ма́хманэ урыл

Алла Фёдоровна нила нйврам ян-малтас. Яныг пыге Алексей щёмьян тагыл ома́тэ пѳхыт Половинка павылт ӊлы. Котиль пыге Александр, ма́нь пыге Евгений ос Оксана а́гитэ Урай у́ст колта́гланыл ё́т ӊлэ́гыт. Нйвраманэ пуссын та́нки нйврам ӊныщэ́гыт. Та́н оманыл ат ё́рувляяныл, ва́тихал тав палтэ ё́хталэ́гыт.

Нэ́ хӧтпа ла́выс: «Яныг пыгум Алексей хунь ма́ньнувег ӊлыс, стихы́т лови́ньтас, э́ргыт э́ргыс, са́всыр касы́лын яланта́с. Ану́мн аква́г не́тыс, «Дыхание вечности» хансум нэ́пакум та́рата́нкке олн майлас. Дима апы́гришум ма́ньнувег хунь ӊлыс, ам стиханум са́всыр кон́церты́т лови́ньта́нкке ӊс са́ка э́руптас».

Стихы́т пу́нқын та́нки ё́хтэ́гыт

Алла Фёдоровна хосат та́гыл пенсия́н патхатас, тувыл тэ́ла та́л щар ат ӊлы. Нйвраманэ́н не́ты, апы́гришанэ́ ё́т у́нлы, колсори рӯ́пата ва́ри, тэ́лы пораттовты́л хайты, туи вёрн аква́г яланы́. Ты ва́рмаль



А.С. Глу́хих ё́т по́слахтасы́г

урыл тав ла́выс: «Вёрн яланта́нкке ам са́ка э́руптэ́гум, пил ва́тэ́гум, ла́хс атэ́гум. Ма́ньта́гыл аква́р-маль уры́л номсэ́гум: а́тям вѳрая́н-кке щё́питахтас, ам таве вѳрн ми-ну́нкке ат та́ртыслум, лю́щсум, писале хот-ня́ртумта́нкке та́хсум. Номсы́сум, тав а́нь вѳрн ми́ны, вѳру́й алы, ам ты у́ит са́ка са́литасанум, та́йма́гсыл та́ лю́щсум. Ё́тыл тор-гамта́слум, ма́нав пуссын ты́тту́н-кке э́рыс, ты́йма́гсыл а́тяв вѳрт аква́гяласас, вѳру́й ка́ттын-патты́глас.

А́нь вѳрт нас ё́мыгтым, яны́гмам порам номылматэ́лэ́гум ос не́тне ма́в сунсы́глым ё́мас номты́т пу́нқумн ё́хтэ́гыт».

Пе́с ма́ньщи па́выл сымы́т ӊны́щитэ́

Алла Фёдоровна мо́т ма́хумн аква́г не́ты. Тав Урай у́с ляпат ӊлне́ Силава па́вылн ва́тихал яланы́. Тот Ольга Александровна Актаеван у́щлахтын ма́ хот-сы́стамта́нкке ос са́всыр рӯ́пата ва́рункке не́ты. Алла Фёдоровна ла́выс, тав Силава ӊс са́ка э́рупты́тэ, ты па́выл сыме́т ӊны́щитэ́.



О́йкаты́т ё́т товты́л ё́ме́г



Хӧнта́н райо́нт ӊлне́ э́кваг ё́т

2012 та́лт та па́вылт «Чумбардия» на́мпа фести́валь ӊлыс. Ма́хум яны́г у́сытны́л, ма́нь па́влы́тны́л э́ргы́т э́ргу́нкке, стихи́т, потры́т лови́ньта́нкке тув ё́хталасы́т. Алла Фёдоровна ӊс тув вѳвы́главес. То́нт та́кви стихи́анэ́ лови́ньтан ма́гсыл «Поэ́т» на́мпа но́минация́т яны́тлавес.

2022 та́лт Силава па́вылт «Спасти и сохра́нить» на́мпа ма́ яны́тлан мирхал ва́рмаль ӊлыс. Стихи́т, потры́т хасне́ ма́хум ты хӧ́нтхаты́гла-пын ӊс ё́хталас, Алла Фёдоровна яны́гмам ма́тэ уры́л стихи́анэ́ тот лови́ньтасанэ́.

А́нь Хӧ́нта́н райо́н стихи́т, потры́т, мо́йты́т хасне́ хӧ́тпан аква́н-юрщ-хаты́м нэ́пак та́рата́нкке номсэ́-гыт. Алла Фёдоровна стихи́т хасне́ тэ́ла уры́л таи ла́выс: «Ам колсори рӯ́пата ва́рим стихи́анум номты́н ё́хтэ́гыт, хунь мисум посу́лум манос вѳрт ё́мыгтэ́гум... Ам а́мкинэ́м аква́г киты́глы́лум: «Манры́г ам ты стихи́т хансэ́гум? Ту́выл номт ё́хты – улпы́л, хоты́ютын тыи э́ри...»

Тэ́лы порат вѳр щар суйта́л –
э́рттум у́лмаим мо́йты́т
Пе́с а́нқвал э́рттум маты́р масум
Ма́нь ню́лы щар ат хӧ́нтэ́гын.
Ту́йты́глахтым та́н ту́йт
щупан ла́п-патве́сыт
Не́тне маснут хӧ́вт масы́с
Сѳвы́р ты́гле-ту́вле
хайты́гтым ле́нхе хот-у́сты́тэ
Хӧ́хра вы́гыр ке́нтыл
оща́ ййвы́т у́нлы
Ос суи́ңыщ ра́тащлы́м вѳрт
ӊлне́ мо́йт нӧ́х ты са́йкаты́тэ.

Ната́лья Ткачу́к ке́тум
потре ма́ньщи ла́тңы́л
Людми́ла ТЕТКИ́НА хансы́тэ

Сапса я хосыт натылтасуь

Лүймә Этпос
котилыт ам
Свердловский
областин Сапса
(Ивдель) үсн ялсум.
Тонт мән савсыр мāt
олнэ 22 хөтпа Сапса я
хосыт хāпыл лōнхаль
минасуь. Мāхманув
пуссын тāнки савсыр
хāпыл: байдаркал,
катамараныл ос мōт
хāпытыл натылтасыт.


Сāв хөтпат Екатеринбург
үсныл олсыт, ам ос
Елизавета юрт āгим ёт
Ханты-Мансийск үсныл
олсумён.

Ты элы-пāлт ам ищхй-
пын лōпсыт Сапса я хос-
ыт хāпыл миннэ вāрмаль
урыл ляххал ловиньтасум
ос тув ялуңкве тахмāясум.
Ос номсахтункве патсум,
хумус амккем та палыт
мāн минэгум, парщин-
кол ос мōт эрнэ пормас
хөт выгум. Сāt хөтал ном-
сахтасум ос ты ляххал
хансум хөтпан лāтын кēt-
сум. Ты юи-пāлт ам ётум
рүпитан āги Елизавета
тув минуңкве ос кāсашас.
Тав Люся мāнь кūtьве ос
ёт-вистэ.

Мён Сапса үс мус нāиң-
туйтыл кёрлөңх хосыт
минасамён. Ёсн ёхтын



Кёрас вāта



Тох ты натылтэгыт ос хāпаныл харттэгыт

порат мāн пуссын «Урал»
кит яныг мāшинан тāлт-
хатсуь ос нёр нупыл Сап-
са я вāта мус тотвесуь.
Я хосыт мāн 90 вёрыста
лōнхаль натылтаңкве щё-
питахтасуь. Аквты сāвит
вёрыста мāн мāшинал нёр-
рыт нупыл минасуь. Эрнэ
мāн ёхтысуь, пувлынкол
пāлтсуь ос ты халт хāпа-
нуь, эрнэ пормасанув щё-
питасануь.

Китыт хөтал мāхманув
Кентнёрн минмыгтасыт.
Мён Лиза ёт ос тув ялуң-
кве кāсашасмён. Кентнёр
800 метра сāвит карсытэ
олы. Нōх-хāхсуь, такем
нётнэ нёрыт кāсаласуь,
маткем та пōслахтасуь. Та
мāныл «Ивдельлаг» нампа

мā ос нāңкыс. Матахкем
тāl ювле хультум порат
тот сāв каснаколыт олсыт.
Тот сутытым мāхум ўнлы-
сыт.

Нёрыл ёл-вāглысуь,
мощ ўщлахтасуь, тэпья-
ласуь ос хāпыл натылтым
та минмыгтасуь. Кит щёс
сыс нёлолов вёрыста туп
йисуь, витэ сака мāниг
олыс. Китыт хөтал ос акв-
ты сāвит вёрыста мина-
суь, тōва мāхум лāвсыт, я
хосыт лōнхаль натылтаң-
кве эрыс кос, тох хāпанув
нас хартым молях вāгтāl
патэв. Анумн тай я хосыт
тох нас нарыгтахтункве
ос тōва порат хāпув хар-
тункве сака пūмаш олыс.

Мāн хāпувт акв эква

олыс, наме Людмила. Тав
74 тālэ тōвлыс. Нāтымав
порат тав потыртас, хумус
хұрум сāt сыс тав тамле
хāпыл Таиланд мōт хōн
мāt натылтахтас. Ос лā-
выс, хāп паттатэ бамбук
ййвыл вāрим олыс.

Кāсың хөтал сака пū-
маш вāрмаль олыс. Акв
хөталэт ят сака яныг āхв-
тас-капаитн хōигласуь,
тонт хāпув ос кāтыл
элаль нас хартыслуь. Тōва
мāt яныг ййвыт акван-
ропвёсыт, тонт мāн хāпыл
пāг вāглысуь ос ты ййвыт
киттыг-сартсануь ос ты-
щирыл миннэ лөңхув
хот-сыстамтаслуь. Ос акв
хөтал ян ёл-патум пёс
унсах кāсаласуь, порма-




Тэпьялаңкве щёпитахтэгыт



Мāхум ўщлахтэгыт



И. Каркочевич мāхманэ ёт



Е. Сабуркина нёрт кўтвә ёт

санўв оста пуссын пәг тотсанўв, ос та мāt хāп- нув нас хартсанўв. Тох нāтылтым ам кит-хўрум щёс витн рагатāлсум.

Сапса ўс ляпаннув хунь ёхтысув, я пāхвыңыг ос милыг ёмтыс. Я вātатә кёрасыңыг ёмтыс, такем нётнәг сусхатас. Ты мāt карта-нёпакыт нам ат ёньщёгыт, мән пўмаш мāг-сыл кāсың тамле нётнә я вātатә намыл мислўв.

Сапса я Тальтиән паты. Сапса ят витә сака сьс-там, ёлы-паттатә шар

ёмашакв нāңки. Ос кит яг акван-патум мән ёхтысўв, тамле пилыщмаң вār-маль кāсаласўв. Тальтиә витә сака пāңкыңыг ёл-нётә, нярппум оспа хури-па. Ётыл мāхум лāvсыт, ты я хосыт сāvсыр тының āхвтасыт кинсавет, лўль витаныл Тальтиән сōсан-тыяныл, тыщирыл мā-вит тот ань та пāңктаве.

Ирина Каркочевич кётум
потре мāньщи лātңыл
Людмила ТЕТКИНА
хансыстә

Пувлынкол урыл мōйт

Ам тўяг Няхщамвōль пāвылн ялмум порат Ирина Семёновна Дунаева ёт хōнтхатыгласум, тав тох потыртас:

– Мāнь порат ам номилум, яныг мāхум акваг мōйтсыт. Монин ойка, Лиза Мони́на опатә, тапалыт мōйтыт та мōйтыс, тай, я-та-ты! Хўрум-ни́ла хōтал акв мōйт мōйты. Лāви: «Я-та, нйврамыт, унтән!» Пуссын та унтәв.

– Тай хоты пāвылт мōйтыглас?

– Мāньясунт пāвылт. Щащёквагум-опагум палт тув ёхты. Тәнут мāгыс лāпкан ёхты. Юн ул марщумлаве, тōва порат матах хōтал мән палтув олы. Тōнт май пос āтим олыс, лāмпал олсув. Лāмпа пēламтәв, такем та пилыщмаң. Тав лāви: «Нйврамыт, йти, китхуйпулув щёс порат, пувлынколн ул минән – ат рōви».

Пувлынкол урыл тамле мōйт потыртāлас:



Ёкваг-ойкаг пувлынколн ми́насыг пувлуңкве. Китхуйпулув щёсыг ёмтыс, аманыр тапалыт ловтхатёг. Пёс май ловтхатнә норма ёлы-пāлэ колкан ат ёньщас, та мāt пāлыг олыс.

Аквматёрт ловтхатыметән, хотьют хāйтнёт та суйты. Сoma хāңхылтап хосыт хōңха нōх-хāңхи. Хўнтлэг, хотьют хāйтнёт та суйты. Акваг та хāйты, та хāйты, хоса хāйты. Аквматёрт ёлыл нōх ты нёглыс – Ёлумхōлас. Хотмус лāваве та ут, мōйтыт тāн мōт щирыл лāвāвет.

Нōх та нёглувесыг. Вуйвесыг, колкан ёлы-пāлн та тотвесыг. Хоса хāңхылтап хосыт ёлаль та тотавёг. Хоса ман вāти тотвесыг, тотвесыг. Тувыл матырсыр колн тотвесыг, сāv колхусапыт, колнакыт ёньщи. Ёлумхōласыт ўнлантёгыт – хотталы щалтум мāхум. Такем та сāv хōтпа ўнлантёгыт. Хотьют ёрги, хотьют матыр вāри. Тōва тәнки вāнә утанән кāсалёг.

Таимāгыс ат рōви йти пувлынколн минуңкв. Хот- таль тотавён, вёрмёгы юв ат ёхтуңкве. Тувыл тай, ат вāглум, аман хумыс нōх-вёрмысыг.

Анна АЛГАДЬЕВА



И. Каркочевич – кётум хури́т

Кит яг акван-патёг, акв я витә сака пāңкың, мōтанә сьс-там

Лүймә сәрипос

(Северная заря)
№ 14 (1344), 24.07.2025

Соучредители

Дума, Правительство
ХМАО – Югры

Издатель

Департамент внутренней
политики
ХМАО – Югры

Редакция

Главный редактор –
Алексеева Н.Г.

Телефон (3467) 33-17-52 (д 500)

Заместитель главного редактора –
Кондина Г.Р.

Телефон (3467) 33-17-52 (д 501)

Ответственный секретарь –
Ромбандеева С.М.

Телефон (3467) 33-17-52 (д 507)

Адрес редакции и издателя:

628011, г. Ханты-Мансийск,
ул. Комсомольская, 31
тел./факс (3467) 33-17-52 (д 510)

E-mail: gazeta@khanty-yasang.ru
Газета размещена на сайте
www.khanty-yasang.ru

Отпечатано:

ООО «Печатный Мир
г. Сургут»,
ул. Маяковского, д. 14.

Индексы 04399, 54399

Тираж 1798 экз.

Заказ 3125

Цена свободная

Мнение авторов
публикаций не
обязательно отражает
точку зрения редакции.

Газета зарегистрирована
Управлением Федеральной

службы по надзору
в сфере связи,
информационных
технологий и массовых
коммуникаций
по Тюменской области,
ХМАО-Югре и ЯНАО.

Свидетельство
о регистрации
ПИ №ТУ 72-00795
от 23 января 2013 г.

12+

Сәв хөтпа юв ат ёхтысыт



К.В. Новьюхов



Г.К. Новьюхов

Тамле потыр 2008 тәлт «Лүймә сәрипос» №19 (822) газетат хөнтлум хум урыл хансым блыс. Ань яныг хөнт нак оигпам пәсныл нәлсәт тәл төвлыс. Ты махум кәстыглан магыс мән тән уранылт та потырт хансәв.

Геннадий Константинович Новьюхов Хальүс район Тэк пәвылт блы. Тав әятәт Константин Васильевич яныг хөнт порат хөнтлыс. Ам тавә әятәт хөнтлын вәрмалы урыл китыгласлум. Хум тох потыртас.

– Ам әям Константин Васильевич 1924 тәлт Хальүс район Юхан-кәрт пәвылт самын патыс. Тән щәмьяныл яныг блыс. Щащәквам Ольга Яковлевна потыртәлыс, тән ойкатәнтыл хөтхуйплов нйврам бщыг. Хөнтлын нак бвылтахтам порат, әям хөтхуйплов тәлэ ущты төвлыс.

1941 тәлт тав нә хәй-талас. Тувыл Хальүс военкоматын вбвиньтәлвес, тот уральтавес. Тәл ұрхатуңкве ләввес, тувыл армиян тах та виве. Тав нумипал каңкаге Александр ос Устин тәра хөнтлуңкве вуйвесыг. Улякши әпщитә мәниг блыс, нёлоловхуйплов тәлэ иң ат төвлыс, тав юн хулытыс.

Тувыл 1942 тәлт әям хөнтлын мән та тотвес.

Өвләт Омск үст хөнтлын вәрмалин ханищтавес. Тувыл Смоленск үс ляпан хөнтлуңкве кетвес. Та хөнтлын мāt нялын сакватавес. Әям пүльницат пусмалтавес ос Тюмень үс мус кәрлөңх хосыт юв кетвес. Тюмень үсныл элалы Юхан-кәрт яныгмам пәвлә мус ләглыл кит этпос ёмыс.

Омам тав урөтыл ләвыглас: «Әян хунь хөнтлын мәныл юв ёхтыс, аквагасталаквегта ўнлыс, тупты блыс. Ётылнув ущта мощ лылытә нәглыс».

Тувыл тәлыт минасыт, мән яныг ёмтсүв. Төванакт әям хөнтлын нак урыл ләвыглас:

«Нйврамаквет, сәв тәл минас кос, ос порсум сәлтатыт ам иң ты ўлмайиянум. Төнт алым махум

мән акв пөхын пинтләлсанүв. 1942-1943 тәлыгт шар тәрвитың хөнтлын нак блыс. Порсум махум мұсхал щирыл ёл-щөпитәңкве ат әлымасүв. Акван-пиниянув ос элалы хөнтлуңкве та минэв. Фашистыт ты кос нйвлысанүв, ос тән иң яныг ёр бщыт.

Хөтал палыт акв мāt окопат хилэв, этииг ёмты ос элалы кетавёв. Ты улпыл мәньлатыг бмув магыс вөритасүв. Төва яныгпәла хөтпат тамле тәрвит ат вөритасыт, нас та порсысыт.

Тәнүт эрнэ сәвит бс ат төвылхатас. Төванакт хөнтлумув порат, хотты лувыт нялын хөявет, та лувыт нёвляныл пәйтсүв, сәюм картопка тәсув, тох та хөнтлысүв. Сәвсыр вәрмалы блыглас. Тамле пиыщмаң нак нән бнән сыс, нэмхуньт ул вос ёмтнув».

Хөнтлын нак юи-пәлт 1948 тәлт Константин Васильевич Ханты-Мансийск үсн колхоз кұцаиг ханищтахтуңкве

көтвес. Та порат хөнтлум махум пуссын ханищтахтуңкве кётыглавёсыт. Сака сәв хум хөтпат юв ат ёхтысыт. Пәвлытт туп экват, яныгпәла хөтпат ос нйврамыт блсыт. Константин Васильевич хұрум ягыганэ бс хөнтлуңкве тотыглавёсыт, тән пуссын порсысыт, тав таккөт юв ёхтыс.

Ётыл Константин Васильевич ханищтахтын мәныл астыс. Новинские пәвыл колхоз кұцаиг рүпитәңкве кетвес. Тот тав кит тәл рүпитас. Тувыл такви бнә мātән Юхан-кәрт пәвылн блуңкве минас. Юн омаге-әтяге блсыг, тәнәтән нётыс.

Хум Юхан-кәрт пәвылт колхоз магыс пум сәгрим, вөраим ос хұл алыщлым рүпитас. 1979 тәлт тав пенсиян патыс. Ос та юи-пәлт иң лов тәл хұл алыщлым рүпитас. Тав нәлсәт нупыл ат тәлэ мус блыс, 1999 тәлт атимыг ёмтыс.

Пилтәлыг хөнтлуме магыс Константин Васильевич Новьюхов магылн тагатан сәв пөсыл майлувес.

Николай МЕРОВ нәпакн хансытә

